



**B**eatus natus est Seleſtadij in Alſatia anno 1483, patre Antonio, qui oppidum ſemilacerū Rhenanum ob Rheni alluuiōnes reliquit, Seleſtadium cum familia peruenit, atq; ibidem ob uarias uirtutes in ſenatum cooptatus conſulatum geſiſit, et à loco mutato Rhenanus dictus fuit, cum prius Biddius nominaretur. Eodem uerò quo natus eſt anno Beatus, matrem amiſit Barbaram Kegeliā. eius uirtutem pater adeò approbauit, ut poſtea per triginta quinque annos in coelibatu permāſerit, atq; unico filio & hærede contentus fuerit. Eo tempore præter Rhodolphum Agricolaſe Alexandri Hegeſij præceptorem, ipſumq; Eraſmum Roterodamū

Germania nihil magnum nec præclarum in literis uiderat. Verùm horum ſcriptis adoleſcentium ingenia excitata ad omnis generis ſtudia excolenda, præſertim cum Imperator Maximilianus homines eruditos ad ſua conſilia delegerit. Itaq; pater filium ſuum Cratoni Vdenheimio, qui tum Seleſtadij literas docebat, erudiendum tradidit, quo mortuo Hieronymo Gebuuilero commendatus fuit, apud utruñq; ſcèlicitate ingenij eos progreſſus fecit, ut ceteris condiſcipulis inferiorum ordinum præſiceretur, inter quos etiam Iohannes Sapidus erat. Poſt hanc diſciplinam à diuite patre Lutetiam miſſus eſt, quo etiam Sapidus tertio poſt anno ſubſecutus, qui Beatum domi priuatim Ariſtotelis Oeconomica explicatē audiuit. In eo loco Beatus Georgium Hermonymum Spartanum in Græcis literis præceptorem habuit, in Phyſica & Diſtincta Iacobum Fabrum & Iodocum Clitoueum. quin etiam Eraſmus tum erat Lutetia, atq; Adagiorum diuulgatione magis quàm antea cœpit inclareſcere. Aderat & Fauſtus Andrelinus, qui magna auditorum frequentia Poëtas enarrabat. Itaq; meliores literæ (quæ diuturna & inueterata barbarie ſuppreſſæ fuerant) tum demum in lucem reuocari cœptæ. Habuit Beatus tum inter cōdiſcipulos Lutetia cum ætate parem & doctrinæ æqualem Michaelem Humelburgium, cum quo ſua ſtudia repetijt, & familiariter uixit.